

BASES DE FUNCIONAMIENTO DOS POSTOS DE VENDA, TÓMBOLAS, CASSETAS OU 'ATRACCIÓN'S' DE PORRIGALIA 2022

I.- DE CANDO E DE DONDE SE CELEBRA

Art. 1.- As festa de PORRIGALIA 2022 celebraranse os días 1, 2 e 3 de xullo de 2022. Os postos de venda e '*atraccións*' poderán estar abertos ao público de 10:00 h a 02:00 h. Non se permitirá a apertura de ningún posto na rúa fóra do horario establecido.

Art. 2.- Os postos estenderanse polas rúas Manuel Rodríguez e Ramón González; e as '*atraccións*', naquelas localizacións asignadas polo Concello.

Art. 3.- Non se permitirá o asentamento de ningún posto nin a venda ambulante de ningún produto fóra do recinto establecido pola organización.

II.- DOS POSTOS DE VENDA E 'ATRACCIÓN'S'

Art. 1.- Estableceranse catros clases de postos e cumprimento das medidas esixidas pola Covid 19 (se fose o caso) de distanciamento ente postos de toda índole

- a) Postos de venda de produtos varios.
- b) Postos de degustación e venda de comidas: son aqueles postos de venda de comidas e bebidas. A organización decidirá de forma excepcional a distribución dos postos de rosquillas.
- c) Establecementos privados: son aqueles establecementos coma tabernas, bares, bodegas, restaurantes, negocios de venda de produtos, con sede social no Porriño, que soliciten asentarse na vía pública diante do seu negocio. A organización soamente autorizará estes postos no caso de que non precise dese espazo e sempre e cando as condicións da rúa o permitan.
- d) Barracas, tómbolas, casetas para espectáculos ou atraccións.

Art. 2.- Os postos de comida que dispoñan de cociñas, bombonas, asadores, grellas, brasas ou substancias inflamables deberán estar protexidos, xa que poden supoñer un perigo para as persoas. Será obrigatorio para estes postos que conten cun extintor homologado, e en bo funcionamento de po seco de 6 k. Deberán tamén contar cun xerador de enerxía propio co fin de poder desenvolver a súa actividade. A organización non se fai responsable dos danos ocasionados por este tipo de instalacións.

Art. 3.- Todos os postos de degustación de comida e bebida deberán cumprir as normas básicas de seguridade e hixiene.



Art. 4.- Todas aquelas persoas que manipulen alimentos ou bebidas estarán en posesión do carné de manipulador/a de alimentos.

Art. 5.- Todas as 'atraccións' deberán achegar a seguinte documentación:

- Fotocopia do DNI/NIE (persoa física) ou CIF (empresa) do interesado, no segundo caso presentar documento que acredite a representación que ostenta, cando actúe como representante.
- Plano de situación indicando a localización exacta da reserva que se solicita a escala 1:100
- Póliza de seguro de responsabilidade civil e o último recibo de pago da mesma.
- Permiso da Delegación de Industria (ITV) ou certificado.
- Permiso de enganche de enerxía eléctrica da empresa provedora.
- Recibo da Seguridade Social dos traballadores que traballen na atracción, montaxe, desmontaxe, mantemento e atención (TCS, autónomos ou altas).
- Xustificante bancario de ter realizado o pago da liquidación.
- Seguro de accidentes.
- Unha vez aceptada a solicitude requirirase tamén un informe expedido pola empresa autorizada (homologada) que exprese a correcta montaxe da atracción na parcela designada polo Concello do Porriño.

III.- DA SOLICITUDE DE PARTICIPACIÓN

Art. 1.- Prescricións

A solicitude de inscrición poderá descargarse na nosa páxina web: <https://oporrino.org/> ou no Departamento Rexistro no Concello do Porriño, dende o día seguinte á publicación destas bases ata o 20 maio, en horario de 09:00 a 14:00 horas.

Toda a documentación requirida será entregada no Rexistro Xeral do Concello do Porriño ou a través da sede electrónica deste Concello dende o día **13 de xuño** ata o **20 de xuño** en horario 09:00 h. a 14:00 h. As solicitudes realizadas a partir desta data non serán autorizadas.

Art. 2.- Aceptacións

Unha vez cumprimentada a solicitude facilitada e presentada a documentación requirida, procederase á asignación da localización do posto; dita responsabilidade quedará a cargo do Concello do Porriño.

Rematado o prazo de inscrición e confirmada a aceptación do posto, os/as interesados/as formalizarán o correspondente pago de taxas previsto na Ordenanza municipal en vigor no ORAL (Deputación Provincial de Pontevedra).

Queda totalmente prohibido o aluguer ou cesión a terceiros dos postos/espazos asignados.



Art. 3.- Taxas

A ordenanza reguladora da taxa por instalación de postos ambulantes situados en terreos públicos, así como industriais, estipula as seguintes cotas de aplicación:

Postos para a venda de xéneros e calquera outro na vía pública do núcleo urbano		1.32 €/m ² día
Barracas, tómbolas, casetas para espectáculos ou atraccións	Ata 25m ²	3.51 € día
	Por cada m ² máis	0.34 € día

O pago farase no ORAL. Os xustificantes de pago serán entregados no Concello do Porriño os días **21 e 22 de xuño**.

Non se admitirá ningún posto de venda, barraca, tómbola, caseta para espectáculos ou atraccións sen a debida presentación do xustificante de pago.

IV.- DA MONTAXE DOS POSTOS DE VENDA

Art. 1.- O horario da montaxe será entre ás **08:30** e ás **10:00** horas.

Art. 2.- Todos os postos deberán estar totalmente localizados e preparados para a hora de comezo das actividades das festas. Non se poderán ampliar os postos con mesas adicionais ou plataformas, toldos etc.

Art. 3.- Durante o desenvolvemento da festa quedará prohibida a entrada e saída de vehículos non autorizados, así como a colocación de obstáculos dentro da zona de celebración dos distintos eventos.

Art. 4.- A licenza debe estar exposta en sitio visible durante todo o tempo de ocupación.

Art. 5.- Os servizos técnicos do Concello poderán comprobar que as ocupacións efectivamente realizadas polos concesionarios das licenzas, de ningún xeito excedan os límites destas, tanto no que se refire á superficie coma ao tempo de ocupación.

Art. 6.- Os aparellos de feira poderán ser obxecto de inspección polo persoal que designe o Concello, en calquera momento e durante toda a vixencia da autorización para postos e atraccións da festa.

Art. 7.- En caso de producirse accidente algún nas atraccións estas paralizarán a súa actividade ata que técnicos autorizados polo Concello garantan que se reúnen todas as normas de seguridade para o normal desenvolvemento da súa actividade.



Contextualización da época Romana, Exipcia, Grega, Castrexa ou Gala

V.- DAS MERCADORÍAS E OFICIOS

Art. 1.- Queda totalmente prohibida a exposición e presenza de animais vivos.

Art. 2.- Quedan totalmente prohibidas as vendas de produtos fóra da época, soamente se admitirán produtos como mel, noces, rosquillas, carne cocida ou frita, patacas, pan, filloas... sempre contextualizados; polo que se prohiben máquinas expendedoras de flocos de millo ou churros.

Art. 3.- Quedan totalmente prohibidos os utensilios de cristal, papel, plásticos ou cartón, soamente se admitirán os de barro ou cerámica.

Art. 4.- Quedan prohibidas as mesas e cadeiras plásticas, as mesas deberán estar cubertas con mantel de cor granate ou negra, non se admitirán outras cores.

Art. 5.- Canto aos oficios, soamente se admitiran produtos da época, feitos a man (barro, aneis, pulseiras, colares, teas cosidas ou bordadas, cerámica, tellas, vimbios, xabóns, colonias, sementes, licores).

Art. 6.- Será obrigatorio que todos os vendedores/as teñen que ir vestidos con traxe da época Romana, Exipcia, Grega, Castrexa ou Gaia. O non cumprimento deste artigo será motivo para a retirada do posto.

VI.- DOS/DAS VENDEDORES/AS

Art. 1.- Unha vez rematadas as festas, **na noite do luns 04 ao 05 de xullo**, todos os postos de venda deberán estar desmontados e o seu recinto limpo.

Art. 2.- A organización, así como a Policía Local e Protección Civil do Porriño, velará polo estrito e rigoroso cumprimento das presentes bases.

Documento asinado dixitalmente na data que se indica ao marxe.

